



18. marts 2015

**Inatsisartut suleriaasianni §37 naapertorlugu Naalakkersuisunut imatut  
apeqquteqarpunga:**

1.

Aningaasanut Inatsimmi tapiissutitut tunniunneqartartut tamarmik ileqqaaruteqarfigineqarnissaat pilersaarutaava imaluunniit Naalakkersuisut kontut aningaasaliiffiusut siunertaat naapertorlugit nalilersuissamaarpat?

2.

Tapiissutaasartut ilaat soorlu inuussutissarsiornermik ingerlatsisut aamma innuttaasut qinnuteqaatigisinnaasaat ilaasa Naaalakkersuisunit asattuunneqassamaarpat, sipaarniarnermilu eqqornagit?

(Inatsisartunut ilaasortaq Naaja H. Nathanielsen)

**Tungavilersuutit**

Spaatit akunneranni qaangiuttumi Naalakkersuisut aningaasanut inatsisissatut siunnersuutertik Inatsisartunut saqqummiuppaat. Aallarniinermini Aningaasaqarnermut Naalakkersuisup ilimasaarutigaa “allaffisornikkut aningaasaliissutinit kiisalu ingerlatsinermut tapiissuteqarnissamullu aningaasaliissutinit allanit” sipaaruteqartoqassasoq. (ataani issuaaneq tamakkiisoq takuuk)

Sipaarniartoqartariaqarnera apeqqusinngilara. Kisiannili Naalakkersuisut qanoq periuseqarniarnersut qanorlu pingaarnersiuiarnersut tusassallugu spqutigaara.

“Tapiissuteqarnissamut aningaasaliissutit” ilaat tassaapput innuttaasut, peqatigiiffiit kattuffiillu aammalu inuussutissarsiortut qinnuteqarfigisinnaasaat. Assersuutigalugu konto 40.10.12 efterskolernissamut qinnuteqarfiusinnaavoq, konto 40.95.01 kulturikkut suliniutillit qinnuteqarfigisinnaavaat, konto 50.06.50 “aalisarnermik ineriartortitsinermut

anigaasaateqarfik”, aalisarnermut politikkitsinnut pingaaruteqarlualuortoq kiisalu konto 51.03.02 savaaqqanik savanillu tunisinermit tapiissuteqarfiusartoq.

Isumaqarpunga tapiissutaasinnaasut tamakku allannguiffigineqassappata, annikillisillugit piivillugilluunniit, tamanna immikkut oqaluuserineqartariaqartoq. Tassami pineqartut tassaapput inuussutissarsiutinik ingerlatsisunut atugassarititaasut aammalu innuttaasut peqatigiiffilerinerminni atugaat.

Tamakku tusagaqarfigissallugit assut soqutigaa, ullullu suliffiusut qulit ingerlaneranni akineqarnissara kissaatigalugu.

Issuaaneq:

” Ukioq manna amigaartooruteqartussatut missingersuusiortoqarpoq, 2016-imiilli sinneqartooruteqartoqalissasoq naatsorsuutigineqarluni. Tassa missingersuutitut pitsanngorsaatisanik arlalinnik aallartitsinikuunerput tassani pissutaavoq.

Missingersuutitut pitsanngorsaatisat ilaatigut anguneqassapput aaqqissuusseqinnerit naammassineqarnerisigut aamma ukiumut 100 mio. koruuningajalluinnarnik isertitassanut sillimmateqartarnerup atuutsinneqalerneratigut. Taakkua saniatigut 2015-imit 2018-imut ukiut tamaasa Namminersorlutik Oqartussat ingerlatsinerannit, tassunga ilanngullugit Namminersorlutik Oqartussat suliffeqarfiutaannit 50 mio. koruuninik sipaaruteqartoqartassaaq. Sipaarutissat ataatsimut isigalugit piffissami pineqartumi aningaasartuutissat 200 millioner koruuninik ikilisinneqassapput.

(...) Naalakkersuisunit siunertarinqarpoq sipaarutissat allaffissornermut aningaasaliissutinit kiisalu ingerlatsinermit tapiissuteqarnissamullu aningaasaliissutinit allanit pissarsiarineqassasut. 2014-imi ingerlatsinermit tapiissutinullu aningaasaliissutinit 75 mio. koruuninik atuinikinnerusoqarpoq. Taamaammat Naalakkersuisut isumaqarput, sipaarutissat siunnersuutigineqartut innuttaasut kiffartuussinermik ajornerulertoqarneranik malugisaqartinnikkaluarlugit naammassineqarsinnaasut”.